

vostro, e quelli de Zanbelato in prexone; in modo che ne sono restati pochi, tutti quelli di Cartibeì, li veri e questi de sti signori se atrovano al presente nel Cajero; et a sto modo li à fato tacer e non li à dato ducati 100. E qualcuno de li prenominati li ha tagliato a pezi e mandati a negar; in modo che tutti i mamaluchi stano bassi, pur dicono voler la sua zemechia. Non so quel seguirà una volta l' àtrato el denar; del successo per la prima ve aviserò il tutto. Circha le cosse de India e Coloqut, *primo*: habiamo del zonzer de 8 caravele de Portugal con merze e denari a salvamento de li. E, praticando de vender e comprar, soprasonse mercanti mori uxavano de li, e disseno a quel signor, che questi erano corsari e homeni de mal afar e che non li dovesse vender nulla, chè costoro se userano a vegnir, a total ruina del suo paexe, con molte altre raxon convegnevole a tal materia; e li sapeno dir tanto, che 'l populo se messe a remor e messeno man a le arme, e fonno morti 40 de quelli portogalesi se atrovono in terra; et a questo modo messe in fuga, le barze fenno vella, e tutti sono partidi. Et, per quello seriveno, haveano cargato schibe 800 de specie in nave. E cussi sono partiti, senza pagar ditti indiani, nè datoli del suo. A l' incontro, e questo è quanto ho inteso per una letera morescha, de man del nevodo de Ameth Bubacho, el qual è andato in India, cancelier, e' scrive che per questo anno se haverano poche specie. De specie nove non se sa se non deschibe 400 piper, el resto pocho, per quello el scrive; si che, si haveti piper, tenitelo; perchè, se le galie vieno, el piper sarà pagato ducati 110 la sporta e più; avisandovi che l' à messo pegno che le galie non serano qui per Nadal; credo falirano. El fu portado el tributo de Cypro, per sier Hironimo Zustignan, al soldan, per anni tre passadi; manchava el tributo de un anno. Fu ben visto e acharezato. El turciman disse al soldan: Tu è in bisogno dil denaro e meti le graveze a' mori, basta a' venitiani, chè tu ha indusiato 4 anni; fa comandamento a l' ambassador, che non parla de qui, che 'l te pagì; e cussi fece e lo fè meter in cime. E poi prese acordo che 'l faria, fin 40 di, l' aria el dinaro di l' amontar dil tributo acordatosi; et per questo aspetavamo l' ambassador di Cypri, che dovea tornar con questa nave, patron Vincenzo di Orssi, nolizata a sua instantia. Ma lui è stà retenuto de li, come ho ditto, e vene spazado un nostro di qui, a spexe de cotimo, per sollicitar che ditto tributo sia subito mandato, per esser stà cussi astreto per el soldan. Ma, da poi vene fama al Cayro, che fuste de' turchi erano capitade in luogi dil soldan,

per vender le anime tolte di Cypro, comparse l' ambassador e disse al soldan, che non suportasse, che turchi depupulasse la sua isola tributaria; *unde* subito mandò comandamento, che in tutti luogi che capitavauo turchi con schiavi, quelli dovessero retenir, a zò fosseno remandati in Cypro; e disse scriveria al turcho, che se abstegnisse a far novitade a quella isola, che li pagava carazo. *Item*, se judicha non haverano specie per do galie.

Et perchè li provedadori, mandadi in li castelli di Geradada per pregadi, compivano, fo preso parte, a gran conseio, di elezer in loco l'horo per 4 man di eletion in gran conseio. Et ave 35 di no.

A dì 13. Nel conseio di pregadi fono electi do executori sora le cosse di mar e provedadori a l'arsenal sier Simon Guoro et sier Domenego Malipiero, fono provedadori in armada, e introno; et orator in Spagna sier Antonio Zustignan, el dotor, *quondam* sier Polo.

A dì 17. Zonse a Venetia 3 oratori ungari vano in Franza; alozono a la cha' dil marchexe; li fo fato le spexe a Venetia e per le nostre terre; fonno a la Signoria et honorati assai.

A la fin dil mexe fu posto parte, che quelli sono debitori di tanxe e decime possi scontar. Nota ho fato eror, questa parte fo presa di avosto; e hora fu preso di astrenzer li debitori di le decime e tanse pagino con pena pasado 15 novembrio, *prout in parte*.

A dì 13 octubrio 1501.

Electo orator in Spagna.

Sier Vctor Capelo, fo savio ai ordeni, <i>quondam</i> sier Andrea	31.84
Sier Jacomo Cabriel, fo savio ai ordeni, <i>quondam</i> sier Bertuzi, cavalier	43.69
Sier Nicolò Michiel, dotor, fo ai X officij	47.55
Sier Francesco Morexini, dotor et cavalier, è di pregadi	44.68
Sier Alvixe Zorzi, <i>quondam</i> sier Polo, fo di pregadi	52.60
Sier Mareo Lipomano, el cavalier, fo di la zonta	41.70
Sier Piero Contarini, avochato fischal, <i>quondam</i> sier Zuan Ruzier	56.54
† Sier Antonio Zustignan, dotor, è di la zonta	58.54
Sier Antonio Condolmer, fo ai X savij, <i>quondam</i> sier Bernardo	48.63
Sier Filippo Sanudo, <i>quondam</i> sier Piero	39.81